

CNS8192

R GB 01-03 00188 BA557

BAH

Ling - Cabaran

I

KUALA LUMPUR, 1 Mac (Bernama) -- Kerajaan perlu mula mencari jalan dan cara untuk mencapai matlamat menjadikan Malaysia sebuah negara maju menjelang tahun 2020, kata Presiden MCA, Datuk Seri Dr Ling Liong Sik hari ini.

Katanya, rancangan bertindak yang diumumkan oleh Perdana Menteri, Datuk Seri Dr Mahathir Mohamad semalam bagi mencapai cita-cita itu dalam tempoh 30 tahun akan datang, ialah sesuatu yang harus disertai oleh semua rakyat Malaysia+.

Datuk Seri Dr Ling, yang juga Menteri Pengangkutan memberitahu Bernama sembilan perkara yang disebutkan oleh Perdana Menteri itu mengatasi masalah bangsa, agama, geografi dan pandangan sempit.

Datuk Seri Dr Ling berkata: +Ia merupakan wawasan yang semua rakyat Malaysia perlu mengaitkan diri mereka dengannya dan kita mesti berusaha bersungguh-sungguh untuk membina satu komitmen yang berpusat pada wawasan ini.+

Beliau berkata, walaupun banyak konsep dan pandangan telah dikemukakan mengenai cara membangunkan negara, ia tidak dinyatakan dengan cara yang jelas seperti yang dilakukan oleh Datuk Seri Dr Mahathir.

MCA, akan menjadikan dokumen itu sebagai dokumen utama bagi perbincangan di semua seminar dan forumnya, jelas beliau. -- Bernama.

♥01/03/17-56MST